

# Гурвдгч бригадин трактористнрин үзмдж

Элст балгъсна Сталинä нертä колхозд малд хот белдлгънä кöдлмш делгрдж кегд-джанä. Олна малд хойр джилä хот белдлгъиг цаглань дуусхд комплексн бригадс трактористнр хоорндан социалистическ дöрдä делгрүлдж кöдлдж йовцхана.

Терунä ашд 6402 гектар газрт öвс хадв, 5410 гектар газрт ковнългдв, 1300 гектарнь овалад, 405 тонн öвс белдчкв.

Öвс хадлгъна кöдлмшт турун öдрäс авн 3-ч комплексн бригадин тракторист Ракович

Тимофей шунмгъагъар орлцдж йовна. Эн тракторист гурвн шалгъта машигъар öдртän 45 гектар öвс хадхин орчд, 55-60 гектар хаддж йовна. Эн комплексн бригадин тракторист Ильенкö Сергей ДТ-54 тракторар öвс цуглуллгънд кöдлнä. Энунä öдрä öвс хуралгъна кемджань 70 гектар, күцäдж йовхнь 85-90 гектар.

Сталинä нертä колхозин колхозникуд малд хот белдлгънä зурагъан хойр холванднь күцäхär шундж йовцхана.

АЛЪДАН Эрдни.